

Москвад болсн үнн-седклин харгъц

Москвагъур Нарт делкән багъчудин болн студентрин 6-ч фестивалъд Белорусск ССР-н делегац ирв. Эв делегацц орлцдж йовх улснь—дун-биигъин коллективс, неджәдәр биилдг-дуулдг улс болн физкультурникүд.

Белорусск вокзал нәәрин өдрмүдинәр кеерүлгддж. Советск Союзин болн Белорусск ССР-н, цуг нарт-делкән фестивалъд представительмүдән илгәджәх талдан кесг орн-нутгудин государственн тугмуд вокзалин герин ора деер саглрдж делснә.

Марш татсн айсар перронур поезд өбрдәд ирв. Тимирязевин нертә селәнә эдл-ахун академин, селәнә эдл-ахун механи-

зацин болн электрификацин институтин болн хотл балгъсна нань чигн кесг институтсин студентир—Москван багъчуд гиичнриг байртагъар тосцхав. Ирси гиичнрт тедн цецгс өгцхәв. Уүнд ахр митинг болв. Москва балгъсна ВЛКСМ-н Тимирязевск райкомин сегләтр үр Виталий Назаров митингд үг келв.

—Тадн ирснд икәр бидн байрлджанавдн. Тана сән байрта бәәдлтн, фестивалъд тана үзүлх олн-зүсн эрдмин күцлтин үндснь болтха. Одахн мана балгъсна багъчудин делегац цуг белоруссин багъчудин негдгч фестивалъд орлцла. Маниг йир сәәнәртосдж, гиичлүллә. Тадниг-чигн гертән бәәснлә әдләр Москвад бәәлгъдж бидн чадхвдн,—гидж үр

Назаров келв.

ЛКСМ-н Белоруссин ЦК-н сегләтр үр Виталий Смирнов хәрүд үг келв.

—Өлзәтә сән седкл деерәс байртагъар маниг тосдж авси Москван үүрмүдтән ик ханлт өргәжәнәвдн. Одахн чилсн Советин багъчудин фестивалин Цугсоюзин конкурст мана кесг олн коллективс сән үзмджтә күцәнъгъүтә гарцхав. Нарт делкән 6-ч фестивалъд мана делегац эврәннь олн-зүсн эрдмбилгән үзүлхмн, спортивн дөрлдәнд орлцхмн. Цуг нарт делкән багъчудла мана харгългън, нарт орчлнъгин көвүдкүүкдлә негддж, ни-ниицнъгъү цааранднь бәәлгънд нөкд болх, —гидж үр Смирнов келв.

Митинг чилв. Гиичнр балгъс орад гарцхав.